

## Válgalistu gielldastivraválggaide 2015 Deanus

1	<b>Frank Martin Ingilæ</b>	<b>1967</b>	<b>Gohppi</b>
2	<b>Elisabeth Erke</b>	<b>1962</b>	<b>Deanušaldi</b>
3	Per Ivar Stranden	1972	Bokcá
4	Liz Renate Utsi	1978	Sieiddá
5	John Øystein Jelti	1952	Sorbmeávži
6	Mariann J. Lindi	1976	Ruostafielbmá
7	Jon Arild Aslaksen	1971	Skiipagurra
8	Tom Ivar Utsi	1973	Juovlavuotna
9	Galina Helander	1975	Deanušaldi
10	Morten Hansen	1988	Deanušaldi
11	Siv Anita Biti-Helander	1973	Bonjåkas
12	Magnus Varsi	1945	Sirbmá
13	Jorund Jessen Bordi	1936	Juovlavuotna
14	Svein Arnfinn Pedersen	1945	Guhkesnjárga
15	Jill Anne Aslaksen	1966	Máskejohka
16	Frode Dørum	1963	Ráttovuotna
17	Torunn Pedersen	1948	Buolbmát
18	Monica Bakken	1968	Bonjåkas
19	Randolf Knotten	1937	Buolbmát
20	Wenche Elisabeth Johansen	1957	Buolbmát
21	Tor Erik Eriksen	1977	Skiipagurra

Olles válgaprográmma gávnnat dás:

<http://tana.arbeiderparti.no/program>

Čuovo Deanu bargiiddbellodaga Facebookas:

[www.facebook.com/TanaArbeiderparti](http://www.facebook.com/TanaArbeiderparti)



Bargiiddbellodat

## Deanu Bargiiddbellodaga válgaprográmma

2015 - 2019 oanehis veršuvdna

# Buohkat galget mielde



Frank Martin Ingilæ  
Sátnejođiheadji-  
evttohas



Elisabeth Erke  
Sadjásaš  
sátnejođiheadji-  
evttohas



Per Ivar Stranden  
3. evttohas



Liz Renate Utsi  
4. evttohas

## Min mihttomearit Deanu gieldda hárrái 2015 - 2019

Bargiidbellodat dáhttu servodaga mii fátmasta buohkaid. Dakkár báiki gos čoavdit deháleamos bargguid ovttas. Mii áigut nannet searvevuoda sihkkarastin dihtii dorvvolašvuoda ja persovnnalaš friddjavuoda earjilolbmuid, go dan eat nagot iehčanassii. Mii áigut buoridit oktasaščovdosiid dan sadjái go privatiseret ja hoigadit fuolahusa ja eará vuđolaš čálgofálaldagaid ovddasfástádusa gávpemárkanii.

Mii áigut ođasmahttit, buoridit ja nannet čálgofálaldaga Deanus. Jus dáinna galgat lihkostuvvat, de mii fertet háhkat buori árvoháhkama. Dan ahte buohkain lea bargu, lea dehálaš olles servodaga árvoháhkamii ja juohke earjilolbmo čálgui.

Boahttevaš jagiid mii áigut ángiruššat nannet skuvllaid fágalaš sisdoalu. Deanu Bargiidbellodat dáhkida gilážiid bajásšaddanguovddážiid, gos galget leat mánáidgárdefálaldat, smávvaskuvladásit ja gaskadásit. Mii hálidat árvoštallat ásahtit oktasaš nuoraiddási gildii. Mii navdit oktasaš nuoraiddási sáhtta dagahit nuoraide álkibun álgit joatkkaskuvlii. Deanu Bargiidbellodat doaivu ahte Deatnu sáhtásii šaddat nu gohčoduvvon PALS-gieldan. Mii áigut bargat dan ovdii ahte ásahtit gielddalaš sámegeilat mánáidgárddi.

Deanus lea kulturskuvla mainna leat hui rámis, ja mii áigut sihkkarastit kulturskuvlla doaimma boahtteáigái. Kulturskuvllas berrejit ain leat mánga iešguđetlágan doaimma, gos lea lunddolaš ahte Deanu servodaga mánggakultuvrralašvuolta oidno. Deanu Bargiidbellodat dáhttu maid ahte Deanu nuorain galgá leat astoáiggeklubba maid sáhttet geavahit, ja ahte dat lea bissovaš fálaldat. Fertet vuoruhit sámi mánáidteáhtera.

Deanu Bargiidbellodat hálida ahte gieldda boarrásat, mat lassánit, galget beassat návddašit eallima boarásmuvvan beaivái, ja ahte sii loktet, “li leat mearkkašupmi das ahte man boaris šattat, muhto mo boarásmuvat”.

Mii áigut lámčit dili nu ahte nu ollugat go vejolaš galget beassat leat guhkit bargoeallimis, ja ahte maiddá dat boarrásepmosat galget beassat oassálastit kultureallimis ja báikkálaš servodagas, ahte sii ožžot buriid fuolahusfálaldagaid, ja hálidat nannet boarrásiid vejolašvuodaid oassálastit báikkálaš servodagas ja organisašuvnnain. Sáhttoortnegat leat dehálaččat viiddis gielddas no go mis dáppe Deanus.

Čoavddus buorre dearvasvuhtii lea eastadeapmi ja árra árja. Bálválusat galget plánejuvvot, organiserejuvvot ja ásahtuvvot buhcciid dárbbuid vuodul. Lea dehálaš ahte dikšo- ja fuolahusbargit ožžot vejolašvuoda loktet gelbbolašvuodaset ja ahte sidjiide addo fálaldat gazzat lasi oahpu. Gieldda bargiide galgá addot fálaldat oahppat sámegeiela. Gieldda gárrenmirko- ja psykiatriijabálvalus galgá nannejuvvot. Mii áigut ráhkkanahhti ássanbálvalusa boahtteáiggi dárbbuide dakko bokte ahte sihkkarastit doarvá viesuid ja ásahtit beaivefálaldagaid. Deanu Bargiidbellodat joatka doarjumis álbmotdearvasvuodabarggu mii dahkko miehtá gieldda.

Mii fertet buvttadit juoidá jus galgá leat mihkkige maid juogadit. Boahtteáiggi čálggu ruhtadeapmi eaktuda ahte báikkálaš ealáhuseallimis lea posiitiiva ovdáneapmi. Deanu gieldda ja gielddaguovddáža geográfalaš sajádat dáppe nuortta bealde addá ollu vejolašvuodaid ja ovdamuniid. Gieldda ferte lámčit dili dasa ahte ealáhuseallin, fitnodagat ja almmolaš ásahtuvvot besset ávkkástallat dáid ovdamuniin. Mii hálidat lámčit dili nu ahte galgá leat álki ásahtit ođđa stuorát ja smávit priváhta fitnodagaid, ja maiddá ásahtit almmolaš bálvalusaid. Šaddi ealáhuseallin addá posiitiiva lassiváikkhusaid. Fertejit lámččot areálat ođđa ásahtemiide ja viiddidemiide.

Bargiidbellodat hálida ahte ássit galget beassat hukset ja ássat olles gielddas. Mii hálidat vuolggaheddji viessopolitihka mii váldá vuhtii boahtteáiggi, ja fertejit huksejuvvot doarvá viesut ja ásahtuvvot. Ferte sihkkarastot ahte viesut mat leat huksejuvvon ássama várás adnojuvvot justa dan várás. Dan dihtii lea dehálaš ahte gildii lámččo dili muddejuvvon bartahuksemeidda areálaplána bokte. Deanu Bargiidbellodat áigu bargat dan nammii ahte olles gieldda oazžu govdafierpmádaga fibera bokte ja ollislaš mobiilagokčama.

Meahcci ja Deatnu lea dehálaš deatnulaččaide, ja daid ferte hálldašit bures ja dásseárvosaččat. Vejolašvuolta luondus viežžat hivvodaga ja maiddá veajuiduhttin lea dehálaš oassi Deanu ássiid kultuvrras ja eallinkvalitehtas. Danin ferte ássiin leat vejolašvuolta fievrrejuvvon johtit meahcis, bivdit, vázzit bálgáid mielde, čuoigat láhtuin ja bivdit bivdosajiin deanus. Mohtorfievrojohtalus ferte bearráigeččot ja dagahit nu unnán vahága lundui ja birrasii go vejolaš.

Jienas Bargiidbellodaga!